

職官志十五

湖北通志卷二十一

宦績傳五目錄

孫定遼

羅繡錦

范鳴珂

徐勇

潘士良

甘文燧

趙兆麟

柯永盛

卞三元

蕭時彥

李藻

張獲

趙燾

胡全才

狄敬

呂陽

張爾素

張長庚

李廕祖

李承尹

汪繼昌

張大元

穆生輝

宋之屏

戴璣

劉捷

翟鳳翥

王輔運

顏敏

顧豹文

志百三十一

職官十五目錄

王廷諫

郎永清

胡養忠

劉兆麒

張維赤

董應魁

王孫蔚

李可汧

吳執忠

楊素蘊

佟國瑤

楊茂勳

吳毓珍

張朝珍

石琳

高其位

蘭泗

胡世英

王新命

張道祥

柯永昇

葉映樞

宣德仁

丁煒

徐治都

噶爾漢

巴琿岱

蔡元

丁思孔

李振世

吳璵

殷化行

李輝祖

王燕

蔣興芑

任風厚

年遐齡



郭琇

喻成龍

劉殿衡

顧棱特

郭世隆

陳詵

裴粹度

楊宗仁

福敏

王承烈

邁柱

凌如煥

歸宣光

王士俊

唐繼祖

史貽直

安圖

魯之裕

崔紀

謝樾

班第

范璨

吳應龍

曹繩柱

鄂彌達

張若震

來謙鳴

蘇昌

輔德

朱椿

常鈞

吳達善

盧謙

閔鶚元

朱珪

梁國治

志百二十一

職官十五 目錄

二

李拔

陳初哲

鄭大進

馮廷丞

舒常

李封

陳淮

圖桑阿

畢沅

田鳳儀

崔龍見

祖之望

姜晟

永保

景安

高杞

曾攀桂

王鼎吉
吳尙賢

王凱

咸德

德福

倭什布

孫玉庭

書麟

長齡

吳熊光

全保

百齡

瑚圖禮

海興阿

慶溥

吉林泰

明亮

彭之年

蘇法那

孫清元

陳若霖

章庭樑

阮元

慶保

楊懌曾

毓岱

盧坤

楊懋恬

鄧廷楨

李鴻賓

羅思舉

楊健

尹濟源

林則徐

訥爾經額

楊以增

周之琦

周天爵

裕泰

忠靈

祿普

劉允孝

趙炳言

駱秉章

常大淳

馮培元

梁星源

瑞元

吳文鎔

江忠源

唐樹義

徐豐玉

張汝瀛

岳興阿

曹琳堅

李卿穀

子孟羣

陶恩培

多山 王恩殺

官文

胡林翼

貴陞

李續宜

都興阿

多隆阿

羅遵殿

張曜孫

莊受祺

馬秀儒

唐訓方

楊岳斌

栗耀

石清吉

安貴

金國琛

李瀚章

彭祖賢

黃彭年

張之洞

趙尙輔 以上清
督撫監司

古朗阿

庫尼雅

徐昭德

阿克棟阿

穆維

向榮

羅澤南

曾國藩

塔齊布

李續賓

江忠濟

王國才

蕭捷三

彭三元 李杏春

周清元

劉騰鴻

丁銳義

擺士龍

舒保

彭毓橘以上附

宦績傳五

清上

孫定遼遼陽人明末官副將順治元年授湖廣提督時鄖襄道李之剛劾王光恩忒行貪暴事逮問其弟光泰遂叛偕弟光昌糾眾掠襄陽殺荆南巡道甘文奎守道劉開文襄陽知府楊鑛推官李實發襄陽知縣潘朝佑副將楊文富參將漆尙友都司袁捷劫倉庫縱獄囚返踞鄖陽殺知府董有聲同知劉璇張有芳推官孫揚聲鄖陽知縣趙承禎竹山知縣童士勤保康知縣薛溥典史雷之縉結陝西叛鎮賀鎮武大定等爲援定遼在武昌聞變率兵馳援鄖陽遇賊安楊口力戰敗之追至河灣半渡中流矢馬蹶沒於河及游擊李顯功並爲賊害

清史館傳

志百二十一

職官十五傳

羅繡錦遼陽人隸廂藍旗漢軍順治二年任湖廣四川總督時李自成遣黨一隻虎劉二虎等擾湖北繡錦至荊州一隻虎率眾來犯繡錦出戰屢捷土賊胡公緒踞天門縣之八百洲糾黨四出焚掠殺署鹽道周世慶繡錦遣總兵楊文富副將唐國臣等進勦擒公緒毀賊巢王光泰作亂踞鄖陽提督孫定遼戰沒繡錦以兵臨之復鄖陽

清史館傳

范鳴珂字鴻磐威遠衛人恩貢順治二年任下江防道兵燹之餘人民彫喪室廬蕩然鳴珂多方撫綏生理稍復丁亥九江之變躬親督禦持以鎮靜民不驚擾

蘄州志

徐勇遼東人順治二年任黃州總兵時土賊聚掠九江自成餘黨踞黃州東山四十八寨勇率兵進勦白雲斗方各寨擒斬賊目王光淑周從勛等其眾悉降餘寨並款附三年僞總兵歐應衢周文

江寇黃安麻城勇赴敵至塔子山擊敗之擒文江復與總兵祖可法張應祥會勦鄒墩大佛山三十二寨應衢授首清史館傳

潘士良濟甯州人萬曆進士順治三年起補兵部右侍郎撫治鄖

陽時流賊餘黨李錦犯荊州士良馳赴襄陽遣兵擊敗之降賊三

千餘並勦降土賊陳蛟悉散其眾疏言清查各衛屯地以佐國用

裁併鄖荆同通以省冗員清史館傳

甘文燦字大別豐城人貢生順治三年任襄陽兵備副使簡軍實

均賦役設兵房於城外不使與軍民雜處鄖陽府志

趙兆麟字聖居富平人舉人順治初撫治鄖陽時王光泰甫平樞

帥欲盡屠之兆麟再三請得免全活甚眾禁旅駐鄖應付糧料悉

出己資未嘗擾民民德之雍正志

柯永盛遼陽人隸廂紅旗漢軍順治四年任湖廣提督金聲桓叛

志百二十一

職官十五傳

二

於江西興國斬州黃安麻城孝感雲夢諸土賊皆蠢動永盛防守

要地分遣參將鄖乘鸞游擊張國忠等搜勦賊寨以時奏捷清史館傳

下三元遼東人舉人順治初任上荆南道大兵南征一切供給皆

自任之雍正志

蕭時彥字鶴林邯鄲人一作鐵嶺人舉人順治初任下荆南道時王光

泰甫平大兵駐鄖姚黃等賊寇房縣時彥調度軍糈無愆誤招撫

流亡皆得其所鄖陽府志

李藻字鑑明陽城人天啟舉人任湖廣沔陽道棄官將歸大兵南

下大將軍聞其才委署湖廣按察使兼武漢兵巡道順治十年授

襄陽副使議復均州治修襄陽城門使人潛度尺寸中夜由水道

載入翼口鎖鑰屹然賊黨見之潛遁山西通志

張獲邯鄲人進士順治初任下荆南道參議時鄖衛裁併襄陽獲

請留二百餘人專司擊柝之事嚴疆獲安鄖陽府志

趙燾膠州人進士順治中任下荆南道時郝永忠盤踞房竹四出
侵暴燾與總兵穆生輝游擊呂成名屢擊敗之鄖陽府志

胡全才字體舜文水人明崇禎進士順治十一年撫治鄖陽時流
賊餘黨郝搖旗等竄伏房竹諸山隘出沒鄖襄歲無甯宇全才扼
要置守檄諸將進討賊黨解散會明桂王總督李企晟潛入鄖陽
與郝搖旗謀合山西陝西河南山東諸賊作亂全才遣千總朱光
祚等捕企晟誅之旋擢總督湖廣軍務未幾卒清史館傳

狄敬字文止溧陽人順治己丑進士十一年任湖廣提學道志飭
學校力剔宿弊每臨部先詣學宮集諸生講臥碑不如式者輒撻
之試日坐堂上焚香告天取諸生試卷當堂面閱一切竿牘不得
行時有鐵面學道之目自葛吧瞻王澄川高巢旃後則推敬云熊賜

志百二十一

職官十五傳

三

履撰

呂陽字全五無錫人崇禎進士順治十一年爲下江防道駐蘄州
行保甲以絕盜源造巡船增瞭臺自潯陽上自江漢民咸安枕新
修學宮及名宦鄉賢祠雍正志

張爾素字賁園陽城人順治丙戌進士十二年擢湖廣左布政使
時用兵黔滇協理糧餉籌畫周詳又修葺書院以惠學者山西通志

張長庚漢軍鑲黃旗人順治中擢湖北巡撫疏報墾田八千三百

七十五頃會荆安襄岳等府連遇水災流民至武昌漢陽與總督

李廕祖巡按李廷松捐資施賑賴以全活者甚眾清史館傳

李廕祖字繩武漢軍正黃旗人廕生順治十四年任湖廣總督時

王師進取滇黔道經荊州牧馬數十萬賦億芻豆廕祖一不擾民
經略洪承疇奏調湖北提鎮標兵六千駐守雲南廕祖以承疇已

調湖廣兵萬三千五百人所畱提鎮標兵未可再調略陳利害數事竟止適麻城李善友以邪教熒惑愚民從者日眾眾議勦磨祖曰此一老捕卒力耳何以兵爲未幾就擒楚大水男婦裸袒河畔競取浮芟以資口食磨祖請蠲賑有差有援勦將士俘獲女口千計磨祖宴諸將於署潛遣人搜之船中俾悉出以還其家清史館傳

李承尹三原人崇禎進士順治初任湖廣提學道有師表之望十三年授分巡荆西道多惠政民有鬻婦償債者出俸贖之沔故有官柴供有司城東蓮花池舊有漁課並予蠲除湖廣志

汪繼昌字徵五歙縣人順治己丑進士十四年以按察副使備兵下江察姦固圉遠境利害必詳求時人士寥寥繼昌具酒食爲文課清學田以獎誘之征滇大兵過蕲徵民夫千例戶一人而蕲城纔數百家繼昌減其數乃以徵夫不足被逮尋削官放歸顧景星撰傳

志百二十一

職官十五傳

四

案傳又云繼昌既解官浮家漢上布袍盛槥往來山水居二十三年門無雜賓數還武林省墓輒復來楚是亦流寓也

張大元漢軍正黃旗人順治時夷陵屢被兵闖獻遺孽出沒無常經略洪承疇薦爲總兵至則招集流移給牛種墾田爲兵食計以次繕完城池廟學皆有成績在鎮數年威惠兼著宜昌府志

穆生輝 人順治時任鄖陽總兵驍勇有智略擒吳逆僞經略

李企成征西山叛賊功績尤多後戰歿於陣鄖陽府志

宋之屏字霞成開平人順治丙戌進士十三年任荆西道清丈山湖官田均平租稅簽定甲役區畫悉當鍾祥志

戴璣字利衡長泰人順治中官湖廣按察使整飭上江防道時滇南用兵湖湘騷動璣相視險要自岳州至嘉魚立七汛設邏卒置哨船盜賊屏息嘉慶志

劉捷字玉壘汶上人案畿輔志作字玉豐大城人順治丙戌進士遷湖廣按察

使晉右布政使舊例協黔餉必由藩司兌解捷令解官面受不由司庫胥吏無所畱難時西山巨寇三省夾勦捷職饋運躬履行間晝夜不懈聞母喪號泣乞歸卽撫以軍事急轉饋無代者不許捷嘔血數升遂起從事賊平請終制

雍正志

翟鳳翥字翼經曲沃人順治丙戌進士累擢湖廣右布政使綜核錢穀宿弊一清籌西山軍需轉雲貴協餉應之裕如

李蔚撰誌

王輔運字林洲太康人順治丁亥進士十七年擢上荆南道至卽新孔廟振回祿災完城郭閱軍實繕營房勸課學校荆當滇黔孔道八旗兵往來駐牧芻糗糧舟車之屬輔運隨事辦集無愆期者西山巨寇李來亨逋誅幾二十年命穆圖傳三帥統禁旅及川陝河南兵討之輔運職任督運從人履險先至賊境軍食無缺寇平分賞所俘輔運悉隸難民籍中資遣之後攝學道暑月校試邁

疾卒

雍正志

志百二十一

職官十五 傳

五

顏敏字乃來宛平人順治舉人任湖廣按察司副使上荆南道會孫可望來歸大兵畱駐荆南而以供億厚責敏敏儲峙支應一切有法尋遷下荆南道

毛奇齡撰傳

顧豹文字季蔚錢塘人順治中進士擢御史巡按湖北疏請捐漢安荆襄等屬州縣逋糧及無征額課安陸有蘆汊口隄久圯潛沔歲被災豹文督工刻期修竣建義倉一百四十餘所

浙江通志

王廷諫字念莪翼城人進士順治十七年任荆西道時大兵進勦西山寇廷諫駐河溶轉運軍實餽餉相繼役者忘其勞

鍾祥志

郎永清廣寧人拔貢順治十七年任下荆南道治獄抉摘如神督理糧糈設塘轉運師皆宿飽

鄖陽府志

胡養忠字抒赤遼東人貢生順治間以道員降鄖陽府同知支納

糧餉應時不稽旋署下荆南道請兵糧就郎倉開支於時稱便府志

劉兆麒漢軍廂白旗人官學生康熙元年任湖廣巡撫時漢陽安陸郎陽三府霍雨武昌通山等十七州縣旱災疏請捐賑有差李自成遺黨劉二虎郝搖旗等尙據鄖襄山寨疏請減二府所屬南漳穀城保康等縣額賦別墾荒田六千三百餘頃聽民自占歸業者日眾焉清史館傳

張維赤字螺浮海鹽人順治乙未進士康熙六年分巡上荆南道釐剔積弊痛懲姦猾三月政化大行荆州府志

董應魁字捷軒遷安人康熙初任分守武昌道值黃州寇起嘯聚山砦應魁督兵進剿尅期蕩平畿輔通志

王孫蔚字茂衍臨潼人順治壬辰進士歷任湖廣按察使升閩藩

以事左遷湖廣糧儲參政兼鹽驛事會徙三藩命下孫蔚策其必叛趣漕糈悉運至荊州後竟賴其用時又兼攝學道手握數篆判事如風雨目覽口誦悉皆周瞻李因篤撰墓表

李可汧字元仗崑山人順治乙未進士康熙時擢湖廣督學道楚地自經兵燹戶口彫耗士氣寢衰可汧一意振起學宮毀者復之圯者葺之書院廢者新之禁有司不得猝辱諸生徐乾學憺園集

吳執忠字匪躬山陰人任湖廣糧儲參政值李來亨煽亂三省會師征勦供應億萬執忠籌度周詳兵食充裕浙江通志

楊素蘊字筠湄宜君人順治壬辰進士授下荆南道時賊軍據川東襄陽總兵楊來嘉副將譚洪亦叛肆掠房保間與賊相應王師運餉由襄至房保路險陜不通丁夫擔負率餉十致一道死者相望素蘊訪知穀城有小溪可通舟乃親按行川谷開漕船道水運

通利而軍興無乏及夏逢龍平素蘊由安徽巡撫移湖北至卽嚴
禁告訐以安反側上元節令民間張燈火陳百戲出入縱觀人情
大定是歲旱疏請緩徵漕糧又請兵餉免搭放制錢會疾卒遺疏
陳沔陽江陵漢陽嘉魚咸寧黃陂景陵江夏崇陽武昌通城漢川
雲夢孝感應城十七州縣田賦之困枕上作叩首狀曰此疏行臣
目瞑矣

先正
事略

佟國瑤漢軍正藍旗人康熙十二年吳三桂反授國瑤鄖陽提督
往駐防明年襄陽總兵楊來嘉據穀城叛鄖陽副將洪福應之劫
所部兵攻國瑤國瑤率游擊佟大年奮擊大敗之賊遁走十四年
洪福等五路犯鄖西復大敗之斬僞將林躍等七人十五年四川
叛鎮譚洪犯鄖江北岸福等出兵爲應國瑤分兵勦禦敗賊於坪
溝黃陂九里岡渡江又敗賊於南岸福遣眾伏鄖江下游結數十

志百二十一

職官十五傳

七

艘踞琵琶灘進逼鄖陽運道爲塞國瑤與將軍噶爾漢等率水陸
兵大破賊眾追勦來嘉福於房縣平之房縣保康相繼克復

先正
事略

楊茂勳漢軍鑲紅旗人康熙中請復鄖陽撫治遂以茂勳任之叛
鎮譚洪等糾賊三千以巨艦塞琵琶灘青山負險進逼鄖陽阻絕
餉道茂勳與鎮安將軍噶爾漢副都統李麟隆等兩岸並進而以
小舟運紅衣礮潛伏江汊擊毀賊船屯踞山麓賊眾聞風敗潰追
斬僞總兵等五人獲賊艦甲馬甚多餉道復通

清史
館傳

吳毓珍漢軍正黃旗人順治乙未進士康熙閒任武昌分守道升
湖廣按察使時吳逆叛大將軍貝子統兵進勦以毓珍督饟運水
陸千里蘄州兵將鼓噪毓珍往安輯之誅一人而定嚴掠賣良家
子女之禁除苛派夫役之擾捐俸興學敦崇文教楚人愛戴

八旗
通志

張朝珍字玉笥漢軍正藍旗人任湖北巡撫時進勦滇黔大軍駐

楚造舟建橋運餉役用民夫朝珍加意體恤民無怨者歲饑籌賑所全活甚眾

盛京通志

石琳漢軍正白旗人康熙初由按察使左遷下荆南道襄陽總兵楊來嘉副將洪福叛應吳三桂踞房縣保康竹山煽誘醜徒進聚集南漳之天門蘭山雞公等寨琳及總兵劉成龍率師討平之後擢湖廣巡撫遷總督

鄧西志參先正事略

高其位字宜之漢軍廂白旗人吳三桂陷湖南其位從征至襄陽會總兵楊來嘉叛其位以二十騎往覘虛實卒遇賊於土地嶺策馬衝賊賊出不意驚潰其位追至南漳而反因入城守禦賊攻城三日而遁叛賊譚洪率舟師三萬向鄖陽其位以百人扼楊溪鋪賊蜂至其位踞崖射賊矢無虛發相持七十日糧盡示必死副都統李麟發救至破賊得全師歸授襄陽鎮總兵尋擢湖廣提督

湖廣

志

志百二十一

職官十五傳

八

蘭泗耀州人康熙初任湖廣營參將遷直隸副將未赴會吳三桂反兵至長沙調泗駐武昌防禦有功後討賊黃金龍戰於大冶之換綵橋殲賊殆盡獲馬牛器械無算尋擢荊州左路總兵

清史館傳

胡世英字汝迪歙縣人康熙初官至副總兵吳三桂反雲南荊州大震士民紛竄時總督蔡毓榮駐荊檄世英爲中軍密陳攻守大計楚境以安後擢夷陵總兵

荊州府志

王新命漢軍廂藍旗人康熙閒擢湖廣巡撫逆賊譚洪思犯夔州新命進守巴東彝陵等處保護糧餉及事平疏言楚省漕糧舊充兵餉民運腳米亦令折銀濟軍今大兵盡撤漕米起運請給民盤運腳米如故議行

清史館傳

張道祥徐州人康熙閒任湖北按察使矜恤庶獄庭無冤民立義

塚於洪山贖鄧劉兩姓子女令從舊婚娶

湖廣志

柯永昇永盛弟康熙中擢湖廣巡撫甫之任督標裁兵夏逢龍作亂突至撫署奪其印傷永昇撲地尋自縊死

湖廣志

葉映樞字炳霞上海人順治辛丑進士康熙二十四年授湖廣糧儲道二十七年五月督標裁兵夏逢龍作亂劫奪巡撫敕印映樞方署布政使冒刃前諭以威德逢龍不應擁映樞歸迫受偽職環守以兵映樞給以無殺百姓開城門縱令出入三日後當如所言乃令妻奉母自水竇出以司道等五印付其僕呈繳繕遺疏朝服謝闕升座罵賊拔佩刀自刎子專以蔭官荊門州知州宣德仁者紹興人由武舉任湖廣掌印都司及聞映樞殉節亦自縊死

先正事略

湖北通志
檢存稿

丁煒字瞻汝晉江人生員累遷湖廣按察使有囚二十餘人皆劫

志百二十一

職官十五傳

九

盜所誣察其冤悉貸之坐他事去任未行夏逢龍作亂脅以偽官不受以遁免

陳壽祺撰傳

徐治都漢軍正白旗人康熙初任湖廣彝陵鎮總兵吳三桂陷湖南沅州楊來嘉劉之復等叛應之率眾數萬乘舟犯彝陵治都禦之布水陸為犄角擊敗賊眾賊退踞南漳治都會襄陽總兵劉成龍率師勦之斬殺過當賊勢益衰初治都赴援常德其妻許氏權以治都令行約束及賊來犯撫慰士卒曉以大義並脫簪珥服飾以資犒勞治都還軍沿江堵截賊路賊悉力攻城許氏登陣中礮死賊平治都以功擢湖廣提督二十七年夏逢龍倡亂陷武昌治都赴勦至應城縣遇賊卻之賊泊龍川磯下治都與之晝夜鏖戰遂大破賊偽總兵胡耀乾以省城降治都徑入武昌安撫軍民逢

龍竄黃州為振武將軍瓦岱所擒磔死

清史館傳

噶爾漢滿洲正紅旗人康熙中任荊州將軍時武昌督標裁兵夏逢龍號包子以施與排解得眾又爲妖人元煽惑叛據武昌逢龍自將渡漢犯德安連陷黃陂孝感雲夢適噶爾漢以駐防兵至大敗之逢龍遁還武昌

荊州駐防志

巴琿岱滿洲正黃旗人康熙二十七年代噶爾漢爲荊州將軍夏逢龍叛與振武將軍瓦岱等進討師至武昌逢龍棄城遁追至黃州獲逢龍磔之亂黨盡平

湖廣志

蔡元字善長漳浦人康熙時任襄陽總兵調登州會夏包子叛仍回任統兵駐潯口扼賊衝賊勢窮破降進屯漢口或以後湖爲遁逃藪請搜緝元不可曰夏賊搆亂蹂躪已極平賊之後首在安民若妄加搜捕良民受累深矣乃止

襄陽府志

丁思孔廣甯人隸廂黃旗漢軍順治癸巳進士夏逢龍之亂調思

志百二十一

職官十五傳

十

孔爲湖北巡撫專理餉務時武昌倉庫被掠各營餉由河南借撥散給將軍瓦岱師至黃州逢龍伏誅其黨叛居武昌及分掠黃州德安者皆降思孔於武昌獲其所掠庫銀九萬餘斬傅爾學等八人以徇復設湖廣總督以思孔任之增設武昌荊州及岳常水師並調辰沅宜都諸處戰艦以供訓練

湖廣志

李振世字臥衡長垣人康熙庚戌進士以部郎出爲湖北驛鹽清軍道夏逆跳梁振世單騎入城見賊黨說以大義皆棄甲降武昌

遂定

畿輔通志

吳璵字伯美沁州人順治己亥進士康熙時任湖北巡撫楚自裁兵之變黠猾之徒率誣仇人爲賊黨牽連報復璵嚴懲妄訐人心乃安獎循良懲貪墨吏治一清尋升湖廣總督酌裁額兵密與鈐轄商榷不動聲色而事定請廣湖廣鄉試中額由是各省並有增

額自瑛發之也先正事略

殷化行字熙如咸陽人康熙初武進士康熙中任襄陽鎮總兵關中連旱荒流民之至襄者尤眾化行勞來安集饑者設糜病者予藥假貸者與錢米不遺餘力有姦人誘流民爲亂謀洩郡守閉城大索且令流民無保結者悉驅之化行曰何地無姦驅流民是激之變也乃密布腹心擒姦首置之法餘不復窮治流移始安郡以

無事先正事略

李輝祖字元美廕祖從弟康熙中擢湖北布政使時議征淮三關稅額上召問之輝祖曰關稅盈絀視商旅多寡多寡無恆而徒取盈商旅必困遂得仍舊後累遷湖廣總督王士禛撰誌

王燕字子喜順天人康熙時任湖廣布政使時行鼓鑄姦弊叢生官吏漁獵於中莫肯摘發燕條上其事楚鑄乃罷並釐革收支抑

志百二十一

職官十五 傳

十二

勒輸納重耗諸弊張玉書撰誌

蔣興芑字岐巖鎮江人康熙三十六年擢下荆南道始至值歲凶立法賑救嚴保甲戢奸宄民得安堵陳鵬年撰傳

任風厚字仲禮臨潼人選貢康熙三十七年擢湖廣布政使湖北田賦爲民累者有三一曰楚租明時藩產其賦重民產數倍一曰班匠凡先世業匠者子孫雖更業而戶役不息一曰坍塌田地已成巨浸其賦猶存風厚請均其賦於民田而除其役民困大蘇王熙撰誌

年遐齡漢軍鑲黃旗人康熙時任湖廣巡撫三十八年疏言武昌漢陽黃州安陸德安荊州襄陽等七府應徵匠役班價等銀千餘兩年久遷徙亡絕關額無徵請查照江浙歸地丁帶徵每畝加增絲毫而賦額亦可無闕官民俱免賠累從之清史館傳

郭琇字華野卽墨人康熙庚申進士由知縣歷官至左都御史三十
十八年起授湖廣總督一時貪墨吏皆投効去琇益爲鎮靜持大
體疏陳黃州武昌兩郡兵米二萬七千有奇請改折色運刑卽以
省挽輸江夏等十三州縣有故明藩產賦重請照民糧起征又豁
免江夏漢陽嘉魚瀕江水埧地租三百餘頃並請清丈地畝除錢
糧攤費包收之弊去雜派陋規行征糧滾單治訟棍革濫刑懲誣
盜禁止屍親抄掠與強族阻葬等事先正事略

喻成龍漢軍正藍旗人廕生康熙時擢湖廣總督疏請湖廣各土
司子弟有讀書能文者注人民籍考試從之雍正志

劉殿衡兆麟子廕生康熙時擢湖廣巡撫疏陳四事其行者招墾
荒田捐納牛種築隄費照田糧均派均補挖壓田地估價諸端又
增置常平倉以裕民食減河陽屯田之半以紓軍困清史館傳

志百二十一

職官十五傳

十三

額棱特字君玉滿洲旗人康熙時由荊州右翼副都統擢湖廣提
督旋授總督湖南北藩庫向有督轅平羨發令買穀備賑並造船
百艘分布江西營汛往來巡緝例江漲隄潰官員照河工處分奏
請從減清史館傳

郭世隆漢軍鑲紅旗人康熙四十六年任湖廣總督時民間小錢
惡濫世隆立價收買禁絕私鑄歲歉設法平糶米不騰貴又革除
鹽商陋規雍正志

陳誥字叔大海寧人康熙王子舉人四十八年調湖北巡撫蒞任
七日劾藩司不職去羣吏震肅武漢十五州縣衛夏秋歉收奏請
分別蠲緩賑濟荆襄水患隄工歲役不息誥親歷閱視兩閱月一
律工竣先正事略

裴率度字晉武曲沃人康熙五十九年擢湖北按察使嘉魚有劫

案冤誣者甚多大府與邑令有舊欲庇之俸度力爭罷其令冤者盡釋尋遷湖北布政使

先正事略

楊宗仁字天爵漢軍正白旗人監生康熙六十一年任湖廣總督講求武備賞罰公明禁所屬收受節禮革鹽商陋規官役應支俸工俱各照額支領請復設驛鹽道移襄陽同知駐樊城荊州關舊有落地稅後並征往來行旅貨物宗仁革除之尤加意保甲社倉巡視隄防歲時修築年獲屢豐鄰境饑民入楚資其衣食全活無算

先正事略

福敏字龍翰滿洲鑲白旗人康熙丁丑進士雍正初署湖廣總督沔陽潛江等十州縣水災請借帑平倉穀賑之續將盈餘銀買補修理江岸並築江陵松滋安陸等處被水各隄請增設湖北糧道庫大使裁蒲圻縣羊樓崗巡檢均議行

嘉慶志

志百二十一

職官十五傳

三

王承烈字遜功涇陽人康熙己丑進士雍正初任湖北督糧道省運漕費數千緡旗丁撥運則以保甲法聯之軍民帖服

陝西通志

邁柱滿洲鑲藍旗人筆帖式雍正初任湖北總督條奏隄工八事請移漢陽通判駐漢口荊州通判駐沙市裁施州大田二衛所併為恩施縣改夷陵州為宜昌府以東湖縣附郭於容美所設鶴峰州五峰所設長樂縣並將直隸歸州長陽興山巴東隸之又於恩施縣設施南府及宣恩來鳳咸豐利川四縣

清史館傳

凌如煥字薪齋上海人康熙乙未進士雍正七年任湖北學政舊時給新進生員書籍而令繳價名書價銀如煥禁除之拔楊漣玄孫可鏡充貢士林翕服歸州水程險絕舟多覆溺請於水道上下

廣設救生船事行

清史館傳

歸宣光字念祖常熟人康熙庚子舉人雍正初以御史巡查湖廣